

全上古三代秦漢三國六朝文

全齊文卷七

烏程嚴可均校輯

竟陵王子良

子良字雲英。武帝第二子。昇明中授寧朔將軍。歷邵陵王左軍參軍。轉主簿。安南記室參軍。遷安南長史。再遷輔國將軍。會稽太守。高帝受禪。封聞喜縣公。尋爲征虜將軍。丹楊尹。武帝卽位。封竟陵郡王。歷鎮北將軍。南徐州刺史。徙侍中。征北將軍。南兗州刺史。入爲護軍將軍。兼司徒。進號車騎將軍。正司徒。領尚書令。徙揚州刺史。加中書監。鬱林王卽位。進太傅。督南徐州。薨。諡文宣王。有集四十卷。

梧桐賦

植椅桐於廣園。嗟倏忽而成林。依層楹而吐秀。臨平臺而結陰。乃抽葉於露始。亦結實於星沈。聳輕條而麗景。涵清風而散音。發雅

詠於悠昔。流素賞之在今。必鸞鳳而後集。何燕雀之能臨。匪伊楚宮側。豈獨嶧山岑邈。蒿萊之難儻。永配道於仙琴。

初學記二十八

請停臺使檢課表

前臺使督通切調恆聞相望於道及臣至郡亦殊不疎凡此輩使人既非詳慎勤順或貪險崎嶇要求此役朝辭禁門情態卽異暮宿村縣威福便行但令失敗裁完鋟梨微具顧眄左右叱咤自專隨宗斷族排輕斥重脅遏津逮恐喝傳郵破岡水逆商旅半引逼令到下先過已船浙江風猛公私畏渡脫舫在前驅令俱發呵噦行民固其常理侮折守宰出變無窮旣瞻郭望境便飛下嚴符但稱行臺未顯所督先訶疆寺卻攝羣曹開亭正偷便振荆革其次絳標寸紙一日數至徵村切里俄刻十催四鄉所召莫辨枉直核証應質作尙方寄繫東冶萬姓駭迫人不自固遂漂衣敗力競致

兼槧值今夕酒諸肉飫卽許附申赦格明日禮輕貸薄便復不入恩科陞貢微闕並撻肆情風塵毀誨隨忿而發及其弛蒜轉積薰粟漸盈遠則分鬻他境近則託貿吏民反請郡邑助民由緩回刺言臺推信在所如聞頃者令長守牧離此每實非復近歲愚謂凡諸檢課宜停遣使密畿州郡則指賜敕遙外鎮宰明下條源旣各奉別旨人競自磬雖復臺使盈湊會取正屬所徒相疑價反更淹懈凡預衣冠荷恩盛世多已閑緩貽譽少爲欺猾入罪若類呂宰牧革政則觸事難委不容課道上網偏覺非才但賒促差降各限一期如乃事速應緩自依違糾坐之坐之之科不必須重但令必行期在可肅且兩裝之船充擬于緒三坊寡役呼訂萬計每一事之發彌晨方辦粗計近遠率遣一部職散人領無減二十舟船所資皆復稱是長江萬里費固倍之較略一年脫得省者息船優役實爲不少兼折姦減竊遠近暫安南齊書竟陵王子良傳又略見通典四

脩治塘遏表

京尹雖居都邑，而境壤兼跨廣袤。周輪幾將千里，繁原抱隰，其處甚多。舊遏古塘，非唯一所。而民貧業廢，地利久蕪。近啟遣五官殷瀾典鑑，劉僧琰到諸縣循履，得丹陽、溧陽、永世等四縣解並村耆辭列堪墾之田，合計荒熟有八千五百五十四頃。脩治塘遏，可用十一萬八千餘夫。一春就功，便可成立。

南齊書竟陵王子良傳

上諭言表

臣聞明臺既闢，承雲之歌闡。衛室爰啟，南風之頌流。莫非降道燭輝，紓靈浸澤。陛下凝慶協圖，席昌屬厯。乾臨冬曠，海鏡春亨。選議鈞俗，觀風調紀。垂聽革之典，降聆金之訓。用能詩史無輟，工頌有聞。是故置四輔立七諫，正國度篴王關。臣謂當今宜崇諫司專事昭塞職，蹈謇誇績宣王文。則優其寵秩，厚其節禮。庶獻讎之美方高聖代，至乃靡衣飧食，曾宇雕墉。商賈淳侈，田萊蕪替，棫樸炎流。

標榜失序，勉民觀俗之宜。設官立事之要，隨闕興規。衰廢能補，如此，則壞詠無還，輒樂可追。

藝文類聚

二十四

### 錢法表

頃錢貴物賤，殆欲兼倍。凡在觸類，莫不如茲。稼穡艱劬，斛直數十，橫杼勤苦，正纔三百。所以然者，寶亦有出，年常歲調，既有定期。僅卹所上，咸是見直。東閒錢多翦鑿，鮮復完者。公家所受，必須圓大，以兩代一。困於無所，鞭筆實繁，益致無聊。

通典九

### 陳時政密啟

臣思水潦成患，良田沃壤，變爲汙澤。農政告祥，因高肆務，播植既周，繼以旱虐，黔庶呼嗟，相視褫氣。夫國資於民，民資於食。匪食匪民，何以能政。臣每一念此，寢不便席。本始中，郡國大旱，宣帝下詔除民租。今聞所在逋餘尚多，守宰嚴期，兼夜課切。新稅力尙無從，故調於何取給？政當相驅爲盜耳。愚謂逋租宜皆原除，少降停恩。

微紓民命。自宋道無章。王風陵替。竊官假號。駢門連室。今左民所檢。動以萬數。漸漬之來。非復始適。一朝洗正。理致沸騰。小人之心。罔思前恩。董之日威。反怨後罰。獸窮則觸。事在匪輕。齊有天下日淺。恩洽未布一方。或飢當加優養。愚謂自可依源削除。未宜便充摠役。且部曹檢校。誠存精密。令史奸黠。鮮不容情。情既有私。理或枉謬。耳目可限。羣狡無極。變易是非。居然可見。詳而後取。於事未避。明詔深矜獄固。恩文累墜。今科網嚴重。稱爲峻察。負罪離譽。充積牢戶。暑時鬱蒸。加以金鐵聚憂之氣。足感天和。民之多恐。非國福矣。頃土木之務。甚爲殷廣。雖役未及民。勤費已積。炎旱致災。或由於此。皇明載遠。書軼未一錄淮帶江。數州地耳。以魏方漢。猶一郡之譬。以今比古。復爲遠矣。何得不愛其民。緩其政。救其危。存其命。湘區奧密。蠻寇熾彊。如聞南師未能挫戮。百姓齊民。積年乏炭。疽食侵淫。邊虞方重。交州貨絕。一垂實惟荒服。恃遠後賓。固亦恆。

事自青德啟運，款關受職，置之度外，不足絃言。今縣軍遠伐，經途萬里，眾寡事殊，容主勢異，以逸待勞，全勝難必。又緣道調兵，以足軍力，民丁烏合，事乖習銳。廣州積歲無年，越州兵糧素乏，加以發借，必致椎棟。愚謂叔獻所請，不宜聽從。取亂侮亡，更俟後會，雖緩歲月，必有可禽之理。差息發動費役之勞，劉楷見甲以助湘中，威力旣舉，蠻寇自服。南齊書竟陵王子良傳

又啟

臣一月入朝，六登文陛，廣殿廄人，裁奉顏色，縱有所懷，豈敢自達。比天眚亟見，地孽亟臻，民下妖訛，好生噂唼，穀價雖和，比室飢嗟，繅纖雖賤，駢門裸質。臣一念此，每入心骨。三吳與區，地惟河輔，百度所資，罕不自出。宜在獨優，使其全富，而守宰相繼，務在裒尅，園桑品屋，以准貲課，致令斬樹發瓦，以充重賦，破民財產，要利一時。東郡使民，年無常限，在所相承，准令上直，每至州臺使命，切求縣

急應充徵役必由窮困乃有畏失嚴期自殘軀命亦有斬絕手足以避徭役生育弗起殆爲恆事守長不務先富民而唯言益國豈有民貧於下而國富於上邪又泉鑄歲遠類多翦鑿江東大錢十不一在公家所受必須輸郭完全遂買本一千加子七百倉求請無地捶革相驅尋完者爲用既不兼兩回復遷貿會非委積徒令小民每嬰困苦且錢帛相半爲制永久或聞長宰須令輸直進違舊科退容姦利八屬近縣既在京畿發借徵調寔煩他邑民特尤貧連年失稅草衣藿食稍有流亡今農政就興宜蒙賑給若逋課未上許以申原充豫二藩雖曰舊鎮往屬兵處異乘鄉土密邇寇庭下無安志編草結菴不遑涼燠扶淮聚洛靡有生向俱稟人粟獨絕溫飽而賦斂多少向均沃艱謂凡在荒民應加蠲減又司市之要自昔所難頃來此役不由才舉並條其重貳許以賈銜前人增估求俠後人加稅請代如此輪回終何紀極兼復交關津要共

相脣齒。愚野未聞。必加陵誑。罪無大小。橫沒貲載。凡求試穀帛。類非廉謹。未解在事。所以開容。夫獄訟惟平。畫一在制。雖恩家得罪。必宜申憲。鼎姓貽譽。最合從網。若罰典惟加賤下。辟書必蠲世族。懼非先王立禮之本。尙書列曹。上應乾象。如聞命議所出。先諮於都。都既下意。然後付郎。謹寫關行。愚謂郎官尤宜推擇。宋運告終。戎車屢駕。寄名軍牒。動竊數等。故非充分朝資奉殷積廣。越邦罕梁。益郡邑參差調補。實允事機。且此徒冗雜罕遵王憲。嚴加廉視。隨違彈斥。一二年間可減大半。南齊書竟陵王子良傳又略見南史四十四通典五

又啟

伏尋三吳內地。國之關輔。百度所資。民庶彫流。日有困殆。鬻農罕獲。饑寒尤甚。富者稍增其饑。貧者轉鍾其弊。可爲痛心。難以辭盡。頃錢貴物賤。殆欲兼倍。凡在觸類。莫不如茲。稼穡難劬。斛直數倍。今機杼勤苦。匹裁三百。所以然者。實亦有由。年常歲調。既有定期。

僅卽所上咸是見直民間錢多翦鑿鮮復完者公家所受必須買大以兩代一困於所貿鞭捶質繫益致無聊臣昔忝會稽粗閑物俗塘丁所上本不入官良由陂湖宜壅橋路須通均夫訂直民自爲用若甲分毀壞則年一脩改若乙限堅完則終歲無役今郡通課此直悉以還臺租賦之外更生一調致令塘路崩蕪湖源泄散害民損政實此爲劇建元初狡虜游魂軍用殷廣浙東五郡丁稅一千乃有質賣妻兒以充此限道路愁窮不可聞見所逋尚多收上事絕臣登具啟聞卽蒙謁原而此年租課三分逋一明知徒足擾民實自笑國愚謂塘丁一條宜還復舊在所逋卽優量原除凡應用錢不限大小仍令在所折市布帛若民有雜物是軍國所須者聽隨價準直不必一應送錢於公不虧其用在私實荷其差昔晉氏初遷江左草創絍布所直十倍於今賦調多少因時增減永初中官布一匹直錢一千而民間所輸聽爲九百漸及元嘉物價

轉賤私貨則東直六千通典作西直六百官受則匹准五百所以每欲優

民必爲降落今入官好布匹堪百餘其四民所送猶依舊制昔爲

捐上今爲刻下氓庶空餒豈不由之救民拯弊莫敢減賦時和歲

稔尙爾虛乏儻值水旱寔可熟念且西京歲強實基三輔東都全

固寶賴三河歷代所同古今一揆石頭以外裁足自供府州方山

已東深關朝廷根本夫股肱要重不可不卹宜蒙寬政少加優養

略其目前小利取其長久大益無患民貲不殷國財不阜也宗臣

重寄咸云利國竊如愚管未見可安南齊書王敬則傳又見通典五又十二

### 車制啟

臣聞車旗有章載自前史器必依禮服無舛法凡蓋員象天軫方  
法地上無二天之儀下設兩蓋之飾求之志錄恐爲乖衷又假爲  
麟首加乎馬頭事不師古鮮或可施南齊書輿服志永明初加玉  
以馬首戴之竟陵王子良啟又見通典六十四

諫射雉啟

鑾輦亟動，天蹕屢巡。陵犯風煙，驅馳野澤。萬乘至重，一羽甚微。從甚微之權，忽至重之誠。頃郊郭以外，科禁嚴重。匪直芻牧事罷，遂乃窀掩殆廢。且田月向登，桑時告至。士女呼嗟，易生噂議。棄民從欲，理未可安。曩時巡幸，必盡威防。領軍景先，詹事赤斧。堅甲利兵，左右屯衛。今馳驚外野，交侍疎闊。晨出晚還，頓遺清道。此實愚臣最所震迫，狡虜玩威。甫獲款關，二漢全富。猶加曲待，如聞使臣。頻亦怨望，前會東宮。遂形言色，昔宋氏遣使，舊列階下。劉纘銜使，始登朝殿。今既反命，宜賜優禮。愚謂中堂雲構，實惟峻絕。檐陛深嚴，事隔涼暑。而別爲一室，如或有疑。邊帶廣途，訛言孔熾。毀立之易，過於轉圜。若依舊制，通敞實允。覩聽頃市，司驅扇租。估過刻吹，毛求瑕廉。察相繼被以小罪，責以重備。愚謂宜敕有司，更詳優格。臣年方朝賢，齒未相及。以管窺天，猶知失得。廊廟之士，豈閭是非。

聞一人聞一說爲陛下憂國家非但而從亦畏威耳臣若不啟陛下於何聞之南齊書竟陵王子良傳

又諫射雉敘

忽聞外議伏承當更射雉臣下情震越心懷憂悚猶謂疑妄事不必然伏度陛下以信心明照所以傾金寶於禪靈仁愛廣洽得使禽魚養命於江澤豈惟國慶民權乃以翹翔治樂夫衛生保命人獸不殊重軀愛體彼我無異故禮云聞其聲不食其肉見其生不忍其死且萬乘之尊降同匹夫之樂天殺無辜傷仁害福之本菩薩不殺壽命得長施物安樂自無恐怖不惱眾生身無患苦臣見功德有此果報所以日夜劬勤厲身奉法實願聖功康豫若此每至寢夢脫有異見不覺身心立就燁爛陛下常日捨財修福臣私心顥顥尚恨其少豈可今日見此事一損福業追悔便難臣此啟聞私心實切若是大事不可易改亦願陛下照臣此誠曲垂三思

況此嬉遊之閒，非關當否，而動輒傷生，實可深憤。臣聞子孝奉君，臣忠事主，莫不靈祇通感，徵祥證登。臣近段仰啟，賜希受戒，天心洞遠，誠未達勝善之途，而聖恩遲疑，尙未垂履，曲降尊極，豈可今月復隨此事？臣不隱心，卽實上啟。南齊書·竟陵王子良傳

請加贈豫章王嶷啟

臣聞春秋所以稱王母弟者，曰尊其所重故也。是以禮狹殊品，爵命崇異，在漢則梁王備出警入蹕之儀，在晉則齊王具殊服九命之贈，江左以來尊親是闕，故致袞章之典廢而不傳，實由人缺其位，非禮虧省。齊王故事與今不殊，締構王業，功迹不異，凡有變革隨時之宜者，政緣恩情有輕重，德義有厚薄，若事諱前規，禮無異則，且梁齊闕令終之美猶饗袞贈之榮，況故大司馬仁和著於天性，孝悌終於立身，節義表於勤王，寬猛彰於御物，奉上無艱劬之貌，接下無毀傷之容，淡矣止於清貞，無喜慍之色，悠然柄於靜默。

絕馳競之聲。詩云：靡不有初，鮮克有終。夫終之者，理皆爲難，在於今行，無廢斯德。東平樂於小善，河間悅於詩書，勲績無間，艱危不涉，尚致卓爾不羣。英聲萬代，况今協贊皇基，經綸霸始，功業高顯，清與逾彰。富貴隆重，廉潔彌峻，等古形今，孰類茲美。臣愚忖度，未有斯例。凡庶族同氣，愛睦尚少，豈有仰觀陛下垂友于之性，若此者乎？共起布衣，俱登天賤，生平遊處，何事不同，分甘均味，何珍不等。未嘗覩貌而天心不懼，見形而聖儀不悅，爰及臨危捨命，親瞻喘息，萬分之際，沒在聖目，號哭動乎天地，感慟驚乎鬼神，乃至撤膳移寢，坐泣遷旦，神儀損耗，隔宿改容，奉瞻聖顏，誰不悲悚。歷古所未聞，記籍所不載，既有若斯之大德，而典服之贈不彰，如其脫致虧忘，追改爲煩，不令千載之下，物有遺恨，其德不具美者，尚荷嘉贊之命，況事光先烈者，蓋可缺茲盛典。臣恐有識之人，容致其議，且庶族近代桓溫庾亮之類，亦降殊命，伏度天心，已當有在。

書豫章  
王凝傳

荅張融

此乃是長史美事，恐朝廷有常典，不得如長史所懷。南齊書張融傳竟陵張欣

時爲諸暨令坐罪當死融歎竟陵王子良乞代欣時死子良答

荅顧憲之

非君無以聞此德音。

梁書顧憲之傳竟陵王於宣城臨成定陵二縣界立屯封山澤數百里禁民樵采憲之固陳不可

與安陸侯緝書

編承下風，數十年來，始蘇末有此政。

南史四十一又南齊書安陸侯緝傳緝爲吳郡太守大著

麻姑竟陵王子良與緝書

荅王僧虔書

辱告並五紙，舉體精雋靈奧，執玩反覆，不能釋手。雖太傅之婉媚，玩好領軍之靜逸，莫之蔑如也。昔杜度微字甚安，而筆體微

瘦，崔瑗筆勢甚快，而結字小疎。君處二者之間，亦猶仲尼方於季孟也。夫工欲善其事，必先利其器。伯喈非流紳體素，不妄下筆。若

子邑之紙，妍妙輝光。仲將之墨，一點如漆。伯英之筆，窮神盡意。妙物遠矣，邈不可追。遂令思挫於弱毫，數屈於陋墨。言之使人於邑。

若三珍尚存，四寶斯覲。

何但尺素信札，動見模式。將一字徑丈，方

寸千言也。

張彥遠法書要錄載此誤與王僧虔論書混爲一篇張

僧虔書今據編

崔瑗書斷引子邑之紙至邈不可追人句作竟陵王與入竟陵王集中

與孔中丞稚珪書

覽君書具一二，每患浮言之妨正道，激烈之傷純和，亦已久矣。孟子有云：君王無好智，君王無好勇。勇智之過，生乎忠禍所遵，正當仁義爲本。今因修釋訓，始見斯行之所發。誓念履行，欲卑高同其美，且取解脫之喻，不得不小失存其大。至於形外之閒，自不足及言。冥俗之教，其致一耳。取之者未達，故橫起異同。君云積業栖信，

便是言行相舛。豈有奉親一毀一敬。而云大孝。未之前聞。夫仁人之行。非是殘害加其美。廉潔之操。不藉貪竊成其德。如此。則三歸五戒。豈得一念而可捨。十善八正。寧譬想之可遺。未見輕其本。而能重其末。所謂本既傾矣。而後枝葉從之。今云二途雖異。何得相順。此言故是見其淺近之談耳。君非不覩經律所辨。何爲偏志一方。埋沒通路。夫士未嘗離俗施訓。卽世之教可以知之。若云斯法空成詭妄。更增疑惑。應當毀滅。就卽因而言。閨門孝悌者。連鄉接黨。竟有幾人。今可得以無其多。結諸訓誥。經史箴誠。悉可焚之。不君今遲疑於內教。亦復與此何殊哉。所以歸心勝法者。本不以禮敬標其心。兢仰祇崇者。不以在我故忘物。今之懶懶克己者。政爲君輩之徒耳。欲令相與去憍矜。除慢傲。節情慾。制貪求。修禮讓。習謙恭。奉仁義。敦孝弟。課之以博施。廣之以汎愛。賞之以英賢。拔之以雋異。復何慙於鬼神乎。孜孜策勵。良在於斯。雖未有奉遵之意。

口說  
西作說妄

不忘之今未有夜光之授而按劍已起欲相望於道德窟不多愧當縣未見此情故常信斯心耳在懷則不然每苦其不及司徒之府本五教是勸方共敦斯美行以率無慾使口詭諂佞望門而自珍浮僞蕩逸踐庭而變迹等彼息心之館齊此無慾之臺不亦善乎一則以仰順宸極曾天之慈二則敬奉儲皇垂愛之善胥旦而警惕者正患此心無遂耳悠悠之語好自多端其云願善政言未知傷化之重儻令詭事以忠孝佞悅以仁義虛設以禮讓假枉以方直乃至一日克己天下歸仁況能旬則有餘所望過矣本自開心所納正若此矯不多如其此煩未廣故鄙薄深慨君正應規諫其乖開發未達云何言傷孝本語損義基於邑有懷非所望也若此事可棄則欣聞餘善又云未必勸人持戒當令善繇下發必如此而弘教者放助須四凶革而啟聖虞舜待商均賢而德明如斯而遂美其可望平君之此意則應廣有所折便當詰堯以土階之

儉嘉離宮之麗，貶禹以茅茨之陋，崇阿房之貴，恥汲黯之正容，榮  
祝鵠之媚色，其餘節義貞信，謙恭之德，皆當改途而反面，復何行  
之可修也。凡聞於言，必察其行，觀於行，必求於理。若理不乖，而行  
不越者，請無造於異端，眞殊途同歸，未必孱然一貫，頃亦多有與  
君此意同者。今寄言此紙，情不專一者，庸心於疑妄，國君曾宣示  
之，略言其懷，無見髮鬢，翰迹易煩，中不盡意，比見君別，更委悉也。  
夫人心之不同，猶若其貌，豈其容一而等其智平，鑒有待之參差，  
足見情靈之乖舛矣。一得其志者，非言談之所盡，一背其途者，豈  
游說之所翻。見君雖復言面委盡，而不及此處者，良由彼我之見  
既異，幸可各保其方，差無須空構是非，橫起謗議耳。栖心入信者，  
前良不無此志，今以效善之爲樂，故挫憊陵以待物。君若以德越  
往賢，聖逾前脩，智超羣類，位極人貴者，自可逍遙世表，以道化物，  
高其懷，無求自足，而退於前良，恐未能懸絕，空秉兩塗，獨異勝法。

若悠悠相期。本不及言。意在不薄。爲復示斯懷耳。比面別一二近  
聊有此釋。滯雨。卷想於外。已當見之。今送相示。若已覽者。付反。幸  
無勞形目脫。未視者爲可。一厯意本不期他翻。正是自釋疑滯耳。  
君見之必當撫掌也。

並弘明集十一

荅孔中丞書

君此書甚佳。宜廣示諸未達者。

弘明集十一

與南郡太守劉景黎書

冬去因君與劉居士書。今春得其返价。辭趣翩翩。足有才藻。寶子  
雲之筆札。元瑜之書記。伸復咨嗟。彌用欵想。此子含真抱璞。比調  
雲霞。背俗居幽。寓歡林激。養志南荆。可與卞寶爭價。韜光梵服。固  
同隋照共明。雖顏段之栖遲偃仰。揚鄉之寂寞恬淡。取之若人。信  
可同日而語矣。且道性天悠。禪心自謐。敦悅九部。研味三乘。在家  
菩薩行之而不難。白衣居士卽之而匪易。逝將燭昏蘊於慧炬。拯

淪溺於法橋扇靈界之畱風鏡貞林之絕影僕栖尚旣同情契漸至而悠悠京苑間以江山假復神通遠邇冥交曉曜疇得寫析深襟辨明幽旨述生滅之中談究眞俗之諦義故重有別書招來畿色居問道之次具爲敷講此蘭山桂水旣足逍遙儒侶玄宗復多朋往非以一爵相加豈其旌蒲爲分直闇投誠素庶必能玄了脫悠爾來儀想時加資遣也釋藏輕四處弘明集十九案廣弘明集十九有弟子良與荊州隱士劉焯書其篇末云王元長之詞也今編入王融集

致沙門法猷書

遠法師一代名德志節清高潛山樹美四海滄風弟子闇昧謬蒙師範方欲仰稟仁化用洗煩慮不謂此疾奄然異世悲痛之心特不可忍遠上卽旣業行圓通曠劫希有弟子意不欲遺形影迹雜處眾僧墓中得別卜餘地是所願也方應樹刹表奇刻石銘德矣

寶僚七要

松旣煙而接漢、竹緣嶺而負筠。夜過鴻於月曉、悲夜猿於霜早。乃  
鶴駕之非遠、信羽車之可鄰。鴻池廣象、太波染華。勢含五水、氣疏  
九河。旣百尋而照底、亦千丈而分沙。故乘流以神王、或鼓地而目  
多、豈能從我、汎此安波。藝文類聚

五十七

行宅詩序

余稟性端疎、屬愛閑外。往歲羈役浙東、備歷江山之美。名都勝境、  
極盡登臨。山原石道、步步新情。迴池絕澗、往往舊識。以吟以詠、聊  
用述心。

登山望雷居士精舍同沈右衛過劉先生墓下詩序

沛國劉子珪、學優未仕。跡遁心遐、履信體仁。古之遺德、潛舟迅景。  
減賓淪輝、言念芳缺。式懷嗟逝、屬舍弟隨郡有示來篇。彌續久要  
之情、益淡宿草之歎。升望西山、率爾爲答。雖因事雷山、實申悲劉

子云爾

淨住子序

薛當作薛

遺教經云、波羅提木叉是汝大師。若住於世、無異我也。又云、波羅提木叉住、則我法住。波羅提木叉滅、則我法滅。是故眾僧於望海再說禁戒、謂之布薩。外國云布薩。此云淨住。亦名長養。亦名增進。所謂淨住身口意。身絜意如戒而住。故曰淨住子者。紹繼爲義。以沙門淨身口七支不起諸惡。長養增進菩提善根。如是修習成佛無差。則能紹續三世佛種。是佛之子。故云淨住子。廣弘明集二十一上  
子有專行本。張溥刻竟陵王集全載之。凡三十一章。今不具錄。每章有王融領今編入王融集申。案廣弘明集一本無此序。眼銘

惟正是視。玄黃距惑。非禮不觀。儀形是則。慎爾所覩。無愆斯德。荀文

耳銘

十七

惟耳是聽仁愛是聞詳察巧言離辯異羣無迷邪詔炫惑莫分文

類聚

十七

口銘

惟口是慎慎乎語笑三箴是戒事重周頤戒之無貽厥詭文

類聚

十七

魚復侯子響

子響字雲音武帝第四子出嗣豫章王嶷爲輔國將軍南彭城  
臨淮二郡太守遷右衛將軍仍出爲冠軍將軍豫州刺史進號  
右將軍入爲散騎常侍右衛將軍永明六年遷本封巴陵郡王  
遷中護軍出爲江州刺史遷鎮軍將軍荊州刺史有罪賜死改  
姓靖氏貶爲魚復侯

臨死啟

劉寅等入齊檢仗具如前啟臣罪既山海分甘斧鉞奉敕遣胡諧

之茹法亮賜重勞某等至竟無宣旨便建旗入津對城南岸築城  
守臣累遣書信喚法亮渡乞白服相見其永不肯羣小懼怖遂致  
攻戰此臣之罪也臣此月二十五日束身投軍希還天闕停宅一  
月臣自取盡可使齊伐無殺子之譏臣免逆父之謗既不遂心今  
便命盡臨斂喪塞知復何陳南齊書魚復侯子譽傳

臧妃褶帶中斂

輕舫還闕不得此苦之深惟願矜憐無使竹帛齊有反父之子父  
有害子之名數執王氏褶帶中斂自申明

隨郡王子隆

子隆字雲興武帝第八子歷荊州刺史侍中中軍大將軍爲明  
帝所害有集七卷

山居序

西園多土平臺盛賓鄒馬之客咸在伐木之歌屢陳是用追芳昔

娛神遊。千古故亦一時之盛事。

賜進士出身二品銜廣東等處提刑按察使司按察使兼督學政事務黃岡王毓楨校刊

全齊文卷七終

全齊文卷八

烏程嚴可均校輯

蕭景先

景先，本名道先。高帝從子。仕宋爲海陵王國上軍將軍，補建陵  
令。累遷至監朔將軍、驍騎將軍。武帝撫軍中軍、二府司馬兼左  
衛將軍。齊受禪，遷太子左衛率，封新吳縣伯。出爲司州刺史。領  
義陽太守。武帝卽位，徵爲侍中，領左軍將軍，兼領軍將軍。轉中  
領軍。進爵爲侯。領太子詹事。遭母喪，起爲領軍將軍，遷征虜將  
軍。丹楊尹假節督司州。卒贈侍中，征北將軍。南徐州刺史。謚曰  
忠侯。

遺言

此度疾病，異於前後。自省必無起理。但夙荷深恩，今謬充戎寄，閭  
弱每事不稱。上慙慈旨，便長違聖世。悲哽不知所言，可爲作啟事。

上謝至尊。粗申愚心。穀雖成長。素闕訓範。貞等幼稚。未有所識。方以仰累聖明。非殘息所能陳謝。自丁荼毒以來。妓妾已多分張。所餘醜猥數人。皆不似事。可以明月佛女桂支佛兒玉女美玉上臺。美滿<sup>豔</sup>華奉東宮。私馬有二十餘匹。牛數頭。可饒好者十匹。牛二頭上臺。馬五匹。牛一頭奉東宮。大司馬司徒各奉二匹。驃騎鎮軍各奉一匹。應私仗器。亦悉輸臺。六親多未得料理。可隨宜溫卹。微申素意。所賜宅曠大。恐非穀等所居。須喪服竟。可輸還臺。劉家前宅久聞其貨。可合率市之直。若短少。敢官乞足。三處田勤作。自足供衣食。力少更隨宜買。麤猥奴婢充使。不須餘營生。周旋部曲。還都理應分張。其久舊勞勤者。應料理隨宜啟聞乞恩。南齊書 諸葛景先傳

蕭綱

綱字景業。局帝從子。封安陸侯。爲吳郡太守。永明中。歷雍州刺史。卒贈王。

與衛軍王儉書論庾杲之

盛府元僚，實難其選。庾景行汎綠水，依芙蓉，何其麗也。

南史庾杲之傳王儉

以庾杲之爲衛將軍長史，頤與儉書

蕭頤胄

頤胄，高帝從子。爲祕書郎，遷太子舍人。永明三年，襲父赤斧爵南豐伯。歷竟陵王司徒外兵參軍、晉熙王文學，除明威將軍安陸內史。遷中書郎，除左將軍。出爲新安太守，隆昌初徙南東海太守，行南徐州事。除黃門郎，遷衛尉。建武中，進爵爲侯，遷冠軍長史，復爲衛尉。出爲後軍長史，廣陵太守，行南兗州事。進南兗州刺史。和帝爲荊州，以爲西中郎長史。南郡太守，行荊州事。與梁王舉義，進相國左長史，鎮軍將軍。和帝卽位，進侍中，尚書令。領吏部尚書，行荊州刺史。中興元年卒，贈侍中丞相。梁天監初追謚曰獻武。

遺表

臣疹患數日不謂便至困篤氣息綿微待盡而已臣雖庸薄忝籍  
葭莩過受先朝殊常之眷循寵礪心誓生以死屬皇業中否天地  
分崩總率諸侯冀奉明聖賴社稷靈長大明在運故兵之所臨無  
思不服今四海垂平干戈行戢方希陪翠華奉法駕反東都觀舊  
物不幸遺疾奄辭明世懷此深恨永結泉壤竊惟皇業至重萬機  
甚大登之實難守之未易陛下富於春秋當遠尋祖宗創業艱難  
殷鑒季末顛覆厥緒恩所以念始圖終康此兆庶征東大將軍臣  
衍元勳上德光贊天下陛下垂拱仰成則風流日化臣雖萬沒無  
所遺恨南齊書蕭何傳

移檄京邑

西中郎府長史都督行留諸軍事右軍將軍南郡太守南豐縣開  
國侯蕭穎胄司馬征虜將軍新興太守夏侯詳告京邑百官諸州

都牧守天運不嘗失有時而陂數無恆制否極則享昔商邑中微  
彭幸投袂漢室方昏虛年効節故風聲永樹卜世長久者也昔我  
太祖高皇帝德範生民功格天地仰緯形雲俯臨紫極世祖嗣興  
增光前業雲雨之所沾被日月之所出入莫不舉踵來王交臂納  
貢鬱林昏迷顛覆厥序俾我大齊之祚翦焉將墜高宗明皇帝建  
道德之盛軌垂仁義之至蹤紹二祖之鴻基繼三五之絕業昧旦  
不顯不明求衣故奇士盈朝異人輜湊若迺經禮緯樂之文定鼎  
作洛之制非雲如醴之祥白質黑章之瑞諒以則天比大無德稱  
焉而嗣主不綱窮肆陵暴十擧畢行三風咸孽喪初而無哀貌在  
感而有喜容酣酒嗜音罔懲其侮讒賊狂邪是與比周遂令親賢  
嬰荼毒之誅宰輔受蘋醢之戮江僕射蕭劉領軍徐司空沈僕射  
曹右衛或外戚懿親或皇室令德或時宗民望或國之虎臣並勳  
彰中興功比周邵秉鈞贊契受遺先朝咸以名重見疑正直貽弊

害加黨族虐及嬰孺曾無渭陽追遠之情不顧本枝殲落之痛信必見疑忠而獲罪百姓業業罔知攸暨崔慧景內逼淫刑外不堪命驅土崩之民爲免死之計倒戈回刃還指宮闕城無完守人有異圖賴蕭令君勸濟宗祐業拯蒼氓四海蒙一匡之德億兆憑再造之功江夏王拘迫威強牽制巨力迹屈當時邇心可亮竟不能內恕探情顯加鳩毒蕭令自以親惟族長任實宗臣至誠苦言朝夕獻入讒醜交構漸見疏疑浸潤成災奄離怨酷用人之功以盜社稷刈人之身以騁淫濫台輔既誅姦小競用梅蟲兒茹法珍妖忽愚戾窮縱醜惡販鬻主威以爲家勢營惑嗣主恣其妖虐宮女千餘裸服宣嬪孽臣數十袒裼相逐帳飲闌肆之間宵遊街陌之上提挈羣豎以爲歡笑劉山陽潛受凶旨規肆狂逆天誘其衷卽就梟翦夫天生蒸民樹之以君使司牧之勿使失性豈有尊臨寓縣毒遍黔首絕親戚之恩無君臣之義功重者先誅勦高者連斃

九族內離四夷外叛封境日蹙戎馬交馳帑藏既空百姓已竭不  
恤不憂慢遊是好民怨於下天懲於上故熒惑襲月韓火燒宮妖  
水表災震蝕告沴七廟阽危三才莫紀大懼我四海之命永淪于  
地南康殿宇體自高宗天挺英懿食葉之徵著於弱年當鑿之祥  
兆乎綺歲億兆闢顥咸思戴奉且勢居上游任憲戎略家國之否  
寧濟是當莫府身備皇宗忝荷顧託憂深責重誓清時難今命冠  
軍將軍西中郎諮議領中直兵參軍軍主楊公則寧朔將軍領中  
兵參軍軍主王法度冠軍將軍諮議參軍軍主龐翩輔國將軍諮  
議參軍領別駕軍主宗夬輔國將軍諮議參軍軍主樂藹等領勁  
卒三萬陵波電邁逕造秣陵冠軍將軍領諸議中直兵參軍軍主  
蔡道恭輔國將軍中直兵參軍右軍府司馬軍主席闡文輔國將  
軍中直兵參軍軍主任漾之寧朔將軍中直兵參軍軍主韓孝仁  
寧朔將軍中直兵參軍軍主朱斌中直兵參軍軍主宗冰之建威

將軍中直兵參軍軍主朱景舒、寧朔將軍中直兵參軍軍主庾域  
、寧遠將軍軍主庾略等被甲二萬、直指建業、輔國將軍武寧太守  
軍主鄧元起、輔國將軍前軍將軍軍主王世興等、鐵騎一萬、分趨  
白下、征虜將軍領司馬新興太守夏侯詳、寧朔將軍諮議參軍軍  
主柳忱、寧朔將軍領中兵參軍軍主劉孝慶、建威將軍軍主江陵  
令江詮等帥組甲五萬、駱驛繕發、雄劖高麾、則五星從流、長戟遠  
指、則雲虹變色、天地爲之霑皇、山淵冒之崩潰、莫府親貫甲冑、授  
律中權、舊師熊羆之士、十有五萬、征鼓紛沓、雷動荆南、寧朔將軍  
南康王友蕭穎達、領虎旅三萬、抗威後拒、蕭雍州勳業益世、謀猷  
淵祐、旣痛家禍、兼憤國難、泣血枕戈、誓雪怨酷、精卒十萬、已出漢  
川、張郢州節義慷慨、悉力齊奮、江州邵陵王湘州張行事王司州  
車騎雲屯、平原霧塞、以同心之士、伐倒戈之眾、盛德之師、救危亡

之國何征而不服何誅而不克哉今兵之所指惟在梅蠱兒茹法珍二人而已諸君德載累世勳著先朝屬無妄之時居中否之運受迫羣豎念有危懼大軍近次當各思奮迹來赴軍門徵到之日有能斬送蟲兒法珍首者封二千戶開國縣侯若迷惑凶黨敢拒命者刑茲無赦戮及宗族賞罰之信有如皦日江水在此余不食

南齊書蕭頤傳

王琨

琨琅邪臨沂人晉衛將軍蕡孫宋永初中除郎中駙馬都尉奉朝請元嘉初爲尚書儀曹郎州治中累遷左軍諮議領錄事出爲宣城太守司徒從事中郎義興太守還爲北中郎長史黃門郎寧朔將軍東陽太守孝建初遷廷尉卿驃騎長史加臨淮太守轉吏部郎出爲廣州刺史還爲廷尉加給事中轉歷陽內史徙東中郎長史遷度支尚書出爲廣陵太守泰始初遷度支尚

書。加光祿大夫。出爲冠軍將軍。吳郡太守。遷中領軍。加太常。及  
金紫。加散騎常侍。出爲會稽太守。元徽中。遷金紫光祿本州中  
正。加特進。順帝卽位。進右光祿大夫。齊受禪。領武陵王師。加侍  
中。建元四年卒。年八十四。贈左光祿大夫。

請以小息佟襲封從兄華爵表

臣門姪不休。從孫長是。故右衛將軍華息少資常犧。猶冀晚進頃  
更昏酣。業身無檢。故衛將軍華忠肅奉國。善及世祀。而長負譽承  
封。將傾基緒。嗣小息佟。閑立保退。不乖素風。如蒙拯立。則存亡荷  
榮私祿更構。南齊書王琨傳從兄華孫長襲華爵爲新建侯。嗜酒多警失。泰始元年琨上表

王遼之

遼之字宣約。琨從子。仕宋爲江夏王國常侍。行大司馬參軍。章  
安令。山陽王驃騎參軍。兼治書御史。安成國郎中。吳令。昇明末。  
以著作郎兼尚書左丞。齊受禪。爲國子博士。永明中。兼著作轉

通直常侍驍騎將軍出爲益州將軍南康相大中光祿大夫加侍中

奏劾謝超宗袁彖

臣聞行父盡忠無禮斯疾農夫去草見惡必耘所以振綱請良登朝著績未有尸位存私而能保其榮名者也今月九日治書侍御史臣司馬侃啟彈征北諮議參軍事謝超宗稱根性昏鈍率心貽放悖議夾貞罵辭犯實親朋忍聞衣冠掩目輒收付廷尉法獄治罪處劾雖重文辭簡略事入主書被却還外其晚兼御史中丞臣袁彖改奏明白簡始粗詳備厥初隱衛實彖之由尋超宗植性險戾稟行兇詖豺狼野心久暴遐邇張敬兒潛圖反噬罰未塞讐而稱怨痛枉形於言貌協附姦邪疑間勸烈構扇異端議譏時政行路同忿有心咸疾而阿昧苟容輕文略奏又彈事舊體品第不簡而置戾殊常者皆命議親奏以彰深譽況超宗罪愈凶過窮南竹

雖下輒收而文止黃案沈浮並見輕重相乖此而不糾憲綱將替  
家才識疏淺質幹無聞懲戒昇榮因慈荷任不能克己厲情少酬  
恩獎撓法容非用申私惠何以糾正邦邊式明王度臣等議請以  
見事免象所居官解兼御史中丞輒攝曹依舊下禁止視事如故  
治書侍御史臣司馬侃雖承稟有由而初無疑執亦合及咎請杖  
督五十奪勞百日令史卑微不足申盡啟可奉行侃奏彈之始臣  
等並卽經見加推糾案入主書方被却檢疏謬之讐伏追震悚齊南

詔書宗傳

錫輶議

大輶殷之祭車故不登周輶之名而明堂位云大輶殷輶也注云  
大輶木輶也月令中央土乘大輶注云殷輶也禮器大輶繁縟一  
就注云大輶殷之祭天車也周禮五路玉路金路象路革路木路  
則周之木輶殷之大輶也周革路建大白以卽戎此則戎輶也意

謂國之大事在祀與戎故錫以殷祭天之車與周之卽戎之路祀則以殷戎必以周者明郊天義遠建前代之禮卽戎事近故以今

世之制明至位云魯君孟春乘大輅載十有二旒日月之章祀帝

于郊天子以大輅以錫諸侯良有以也今木路卽大路也

齊書熙服志宋

昇明三年錫齊王大輅戎輅各一乘黃五輅無大輅成輅左丞王逡之議

王珪之

珪之逡之從弟建元中爲祠部郎中累遷至長水校尉有齊職儀五十卷

喪遇閏議

喪以閏施功衰以下小祥值閏則略而不言今雖厭祥名猶存異於餘服計月爲數屈追慕之心以遠爲邇日旣餘分月非正朔含而全制於情唯允僕射儉議理據詳博謹所附同今司徒淵始雖疑難再經往反未同儉議依舊八座丞郎通共博議爲允以來五

月晦小祥其祥禱自依常限奏御班下內外

南齊書禮志下建元三年祠部郎中王珪

之議又見通典一百

王顥

顥珪之子永明中爲中軍參軍

上父珪之齊職儀啟

臣亡父故長水校尉珪之籍素爲基依儒習性以宋元徽二年被敕使纂集古設官歷代分職凡在墳策必盡詳究是以等級掌司咸加編錄黜陟遷補該研記述章服之差兼冠佩之飾屬值啟運軌度惟新故太宰臣淵奉宣敕旨使速洗正刊定未畢臣私門凶禍不揆庸微謹冒啟上凡五十卷謂之齊職儀仰希永升天閣長銘祝府南齊書王遠之傳

王僧虔

僧虔宋左光祿大夫曇首次子元嘉中除祕書郎太子舍人累

遷至尚書令。齊受禪，轉侍中、撫軍將軍、丹楊尹，授左光祿大夫。出爲征南將軍、湘州刺史。武帝卽位，授侍中、左光祿大夫。永明三年卒，贈司空，謚曰簡穆。

書賦

情憑虛而測有，思沿想而圖空。心經於則，目像其容；手以心麾，毫以手從。風搖挺氣，妍嫋深功。爾其隸明敏，婉雙綺，超將擒，文籞縛。託韻笙簧，儀春等愛。麗景依光，沈若雲鬱。輕若蟬揚，稠必昂萃。約寶箕張，垂端整曲。裁邪製方，或具美於片巧；或雙競於兩傷。形縣靡而多態，氣陵厲其如芒。故其委貌也必妍，獻體也貴壯。跡乘規而騁勢，志循檢而懷放。藝文類聚  
七十四

樂表

臣聞風雅之作，由來尚矣。大者繫乎興衰，其次者著於率舞。在於心而木石感，鏗鏘奏而國俗移。故鄭相出郊，辯聲知歲；延陵入聘，

觀樂知風是則音不妄起曲豈徒奏哥倡既設休戚已徵清濁是  
均山琴自應斯乃天地之靈和升降之明節今帝道四達禮樂交  
通誠非冥陋所敢裁酌伏以三古缺聞六代潛響舞詠與日月偕  
涇精靈與風雲俱滅追餘操而長懷撫遺器而太息此則然矣夫  
鐘縣之器以雅爲用凱容之制八佾爲體故羽籥擊拊以相諧應  
李氏獲誚將在於此今總章舊俗二八之流袞服旣殊曲律亦異  
推今校古皎然可知又哥鐘一肆克諧女樂以哥爲稱非雅器也  
大明中卽以宮縣合和鞞拔節數雖會慮乖雅體將來知音或譏  
聖世若謂鐘舞已諧不欲廢罷別立哥鐘以調羽佾止於別宴不  
關朝享四縣所奏謹依雅則斯則舊樂前典不墮於地臣昔已制  
哥磬猶在樂官具以副鐘配成一部卽義沿理如或可安又今之  
清商實猶銅雀魏氏三祖風流可懷京洛相高江左彌重諒以金  
虧干戚事絕於斯而情變聽改惟復零落十數年間亡者將半自

頃家號新哇、人尚謠俗、務在嘵危、不顧律紀、流宕無涯、未知所極。  
排斥典正、崇長煩淫、士有等差、無故不可以去禮樂、有攸序、長幼  
不可以共聞、故誼醜之製、日盛於塵里、風味之韻、獨盡於衣冠、夫  
川震社亡、同靈畢戒、哀思靡漫、異世齊驩、咎徵不殊、而欣畏並用、  
竊所未譬也。方今塵靜畿中、波恬海外、雅頌得所、實在茲辰、臣以  
爲宜命典司、務勤課習、緝理舊聲、迭相開曉、凡所遺漏、悉使補拾、  
曲全者祿厚、藝敏者位優、利以動之、則人思自勸、風以靡之、可不  
訓自革、反本還源、庶可跂踵。

宋書樂志一順帝昇明二年尚書令王僧虔上表並言三訓哥又見南齊

書王僧虔傳有附節

請禁上湯殺囚疏

湯本以救疾而實行冤暴、或以肆忿、若罪必入重、自有正刑、若去  
惡宜疾、則應先啟、豈有死生大命、而潛制下邑、愚謂治下囚病、必  
先刺郡、求職司與醫、對共診驗、遠縣家人省視、然後處理、可使死

者不恨、生者無怨

南齊書王僧虔傳那縣獄相承有上陽殿四牆度上疏言之

辭判二岸雜事啟

臣僧虔啟。劉伯龍陶瑾稱敕二岸雜事悉委臣判。聖恩固已獎使入效。斯實臣下驅馳至願。且職事所司不應多陳。雖奉今旨。臣豈敢於外下意。不先上聞。正當罄率管見。令官長啟密。可否之宜。會須恩裁。此乃更亂天聽。或致煩壅。且得仍舊以待能者。恐於事體二三惟允。伏願少留神照。察覽所啟。非敢辭務。懼塵聖化。謹冒輸請。伏追震怍。謹啟。

清化閣  
帖三

請用謝憲督運啟

臣僧虔啟。南臺御史謝憲乃堪驅使。臣門義舊粗。是所悉統。內新故雜。米數十萬斛。實須督切。憲今請假在此。臣欲折以統攝。庶得速辦。其頗經督運已有前效。謹以啟聞。伏願聽許。謹啟。

清化閣  
帖三

太子舍人王褒開十五年牒在職三載家貧仰希江鄧所統小郡謹牒七月廿四日關僧虔啟海開府文紀

引寶章集

荅高帝論書啟

賦

條疏古來能書人名啟

臣僧虔啟昨奉勑須古來能書人名臣所知局狹不辨廣悉輒條疏上呈羊欣所撰錄一卷尋案未得續更呈聞謹啟

秦丞相李斯

秦中車府令趙高

右二人  
善大篆

秦獄吏程邈善大篆得罪始皇囚於雲陽獄增減大篆體去其繁複始皇善之出爲御史名書曰隸書

扶風曹喜後漢人不知其官善篆隸篆小異李斯見師一時

陳留蔡邕後漢左中郎將善篆隸采斯喜之法真定直父碑文猶傳於世篆者師焉

杜陵陳遵後漢人不知其官善篆隸每書一座皆驚時人謂爲陳驚座

上谷王次仲後漢人作八分楷法

師宜官後漢不知何許人何官能爲大字方一丈小字方寸千言耿球碑是宜官書甚自矜重或空至酒家先書其壁觀者雲集酒因大售俟其飲足削書而退

安定梁鵠後漢人官至選部尚書得師宜官法魏武重之常以鵠書懸帳中宮殿題署多是鵠手也

陳留邯鄲淳爲魏臨淄侯文學得次仲法名在鵠後

毛弘鵠弟子今祕書八分皆傳弘法義有左子邑與淳小異亦有名

京兆杜度爲魏齊相始有草名

安平崔瑗後漢濟北相亦善草書平持堅得摹崔瑗書王子敬云

極似張伯英。瓊子寔官至尚書，亦能草書。

弘農張芝，高尙不仕，善草書，精勁絕倫。家之衣帛，必先書而後練。臨池學書，池水盡墨。每書云云，匆匆不暇草書。人謂爲草聖。弟昶，漢黃門侍郎，亦能草。今世云芝草者，多是昶作也。

姜詡，梁宣田彥和及司徒韋誕，皆伯英弟子，並善草書。誕書最優。誕字仲將，京兆人。善楷書。漢魏宮館寶器，皆是誕手寫。魏明帝起凌雲臺，誤先釘榜而未題，以籠盛誕轍，長綱引之，使就榜書之，去地上二十五丈。誕甚危懼，乃擲其筆以下焚之。仍誠子孫絕此楷法。著之家令，官至鴻臚少卿。誕子少季，亦有能稱。

羅暉、趙襲，不詳何許人。與伯英同時，見稱西州。而矜許自與，眾頗惑之。伯英與朱寬書，自敘云：上比崔杜不足，下方羅趙有餘。

趙壹、張超，亦善草。不及崔、張。

晉齊王攸善草行書。

太山羊忱晉徐州刺史羊固晉臨海太守並善行書

江夏李式晉侍中善寫隸草弟定子公府能名同式

晉中書院李充母衛夫人善鍾法王逸少之師

琅邪王廙晉平南將軍荊州刺史能章楷謹傳鍾法

晉丞相王導善橐行廣從兄也

王恬晉中軍將軍會稽內史善隸書

導第一子也

王洽晉中書令領軍將軍眾書通善尤能隸行從兄義之云弟書遂不減吾恬弟也

王珉晉中書令善隸行洽少子也

王羲之晉右將軍會稽內史博精羣法特善草隸羊欣云古今莫二廣兄子也

王獻之晉中書令善隸橐骨勢不若父而媚趣過之羲之第七子也兄玄之微之兄子滔之並善草行

王允之。晉衛軍將軍會稽內史亦善草行舒子也

太原王濛。晉司徒左長史能草隸字修琅邪王文學善隸行與義之善故殆窮其妙早亡未盡其美子敬每省修書云咄咄逼人

王綏。晉冠軍將軍會稽內史善隸行

高平郗愔。晉司空會稽內史善章草亦能隸。郗超。晉中書郎亦善草愔子也

潁川庾亮。晉太尉善草行。庾翼。晉荊州刺史善隸行時與羲之齊名亮弟也

陳郡謝安。晉太傅善隸行

高陽許靖。民鎮軍參軍善隸草義之高足

晉穆帝時有張翼。善學人書寫羲之表。表出經日不覺後云幾欲亂真

飛白。本是宮殿題八分之輕者全用楷法。吳時張弘好學不仕常

著烏巾時人號爲張烏巾。此人特善飛白能書者無不好之。

自著至晉

凡六十九人法書要錄案本注六十九人今此數僅五十七人當有誤

報檀珪書

征北板比歲處遇小優殷主簿從此府入崇禮何儀曹卽代殷亦不見訴爲苦足下積屈一朝超升政自小難泰始初勤苦十年自未見其賞而頓就求稱亦何可遂吾與足下素無怨憾何以相使苦直是意有佐佑耳。

南齊書王僧虔傳元徽中遷吏部尚書高平檀珪訴僧虔求祿不得與僧虔書僧虔報書

與兄子儉書

古語云中國失禮問之四夷計樂亦如符堅敗後東晉始備金石樂故知不可全誣也北國或有遺樂誠不可便以補中夏之闕且得知其存亡亦一理也但鼓吹舊有二十一曲今所能者十一而已意謂北使會有散役得今樂署一人粗別同異者充此使限雖復延州難追其得知所知亦當不同若謂有此理者可得申吾意

上聞否試爲思之

南齊書王僧虔傳

與張繙書

孔祐敬康曾孫也。行動幽祇，德標松桂。引爲主簿，遂不可屈。此古之遺德也。

南史杜京產傳

與某書

承天涼體豫復欲繕寫一賦，傾遲暉采，心目俱勞。承閻覽祕府，備觀羣跡。崔張歸美於逸少，雖一代所宗。僕不見前古人之跡，計亦無以過於逸少。既妙盡深絕，便當得之寶錄。然觀前世稱目，竊有疑焉。崔杜之後，共推張芝仲。將謂之筆聖。伯玉得其筋，巨山得其骨。索氏自謂其書銀鉤蠶尾，設者誠得其宗。劉德升爲鍾胡所師。兩賢並有肥瘦之斷。元鳴獲釘壁之勸。師宜致酒簡之多。此亦不能止長眉猩骨右軍以爲絕倫。其功不可及。由此言之，而向之論或致投杖，聊呈一笑，不妄言耳。

法書要錄引王僧虔論書與竟陵王子良答僧虔書混爲一篇。今從

誠子書

知汝恨吾不許汝學，欲自悔厲，或以闔棺自期，或更擇美業，且得有愧，亦慰窮生。但亟聞斯唱，未覩其實，請從先師聽言觀行，冀此不復虛身。吾未信汝非徒然也。往年有意於史，取三國志聚置牀頭，百日許，復徙業就玄，自當小差於史，猶未近彷彿。曼倩有云：談何容易。見諸玄志，爲之逸腸，爲之抽專一書，轉誦數十家注。自少至老，手不釋卷，尙未敢輕言。汝開老子卷頭五尺許，未知輔嗣何所道。平叔何所說，馬鄭何所異，指例何所明，而便盛於塵尾，自呼談士，此最險事。設令袁令命汝言易，謝中書挑汝言莊，張吳興叩汝言老，端可復言未嘗看邪？談故如射，前人得破，後人應解，不解卽輸賭矣。且論注百氏，荊州八表，又才性四木，聲無哀樂，皆言家口實，如客至之有設也。汝皆未經拂耳，豈有庖廚不脩而欲

延大賓者哉。誠如張衡思侔造化，郭象言類懸河，不自勞苦，何由至此？汝曾未窺其題目，未辨其指歸，六十四卦，未知何名。莊子眾篇，何者內外，八袞所載，凡有幾家。四本之稱，以何爲長？而終日欺人，人亦不受汝欺也。由吾不學，無以爲訓，然重華無嚴父，放勸無令子，亦各由己耳。汝輩竊議，亦當云阿越不學，在天地間可嬉游，何忽自課謫幸及盛時，逐歲暮，何必有所減？汝見其一耳，不全爾也。設令吾學如馬鄭，亦必甚勝，復倍不如，今亦必大減，致之有由，從身上來也。汝今壯年，自勤數倍許，勝劣及吾耳，世中比例，舉眼是汝足知，此不復具言。吾在世雖乏德業，要復推排人間數十許年，故是一舊物。人或以比數汝等耳，卽化之後，若自無調度，誰復知汝事者？舍中亦有少負令譽，弱冠越超清級者，於時王家門中，優者則龍鳳，劣者猶虎豹。失蔭之後，豈龍虎之識？況吾不能爲汝陰，政應各自努力耳。或有身經三公，蔑爾無聞，布衣寒素，卿相屈

體或父子貴賤殊兄弟聲名異何也體盡讀數百卷書耳吾今悔無所及欲以前車誠爾後乘也汝年入立境方應從官兼有室累牽役情性何處復得下帷如王郎時邪爲可作世中學取過一生耳試復三思勿諱吾言猶捶撻志輩冀脫萬一未死之間望有成就者不知當有益否各在爾身已切身豈復關吾邪鬼唯知愛深松茂柏豈知子弟毀譽事因汝有感故略敍智懷南齊書王僧虔傳又略見南史

論書

宋文帝書自云可比王子敬時議者云天然勝羊欣工夫少於欣王平南廩是右軍之叔自過江東右軍之前唯廩爲最善爲晉明帝師書爲右軍法

亡曾祖領軍洽書與右軍書俱變古形不爾至今猶法鍾張右軍云弟書遂不減吾

亡從祖中書令珉書，筆力過於子敬。書舊品云：有四匹素絹，自朝操筆，至暮便竟。首尾如一，又無誤字。子敬戲云：弟書如騎驃驥駒，恆欲度驛驅前。

庾征西翼書，少時與右軍齊名。右軍後進，庾猶不忿，在荊州與都下人書云：小兒輩乃賤家雞，皆學逸少書，須吾還當比之。張翼善學人書，右軍自書表晉穆帝令翼寫題後答右軍。右軍當時不別，久後方悟云：小子幾欲亂真。

張芝索靖章誕鍾會二衛並得名，前代古今既異，無以辨其優劣。唯見其筆力驚絕耳。

張澄書當時亦呼有意。

邵愔章草亞於右軍。

晉齊王攸書，京洛以爲楷法。

李式書右軍云：是南平之流，可比庾翼。王蒙書亦可比庾翼。

陸機書吳士書也無以校其多少  
庾亮書亦能入錄

高祖丞相導亦甚有楷法以師鍾衡好愛無厭喪亂狼狽猶以  
鍾繇尚書宣示帖衣帶過江後在右軍處右軍借王敬仁敬仁死  
其母見脩平生所愛遂以入棺

郗超草書亞於二王緊媚過其父骨力不及也

桓玄書自謂右軍之流論者未之許云可比孔琳之

謝安亦入能書錄殊亦自重乃爲子敬書嵇中散詩得子敬書有  
時裂作校紙

羊欣王道護並親受于子敬欣書兒重一時行草尤善正乃不稱  
孔琳之書天然放縱極有筆力規矩恐在羊欣後王道護與羊欣  
俱面受子敬故當在欣後

范驥與蕭思話同師羊欣范後背叛既失故步爲復小有意耳

蕭思話書全法羊欣風流趣好殆當不減而筆力恨弱。

謝靈運書乃不倫遇其合時亦得入流昔子敬上表多於中書雜事中皆自書竊易真本相與不疑元嘉初方就索還上謝太傅殊禮表亦是其例親聞文皇說此

謝綜書其舅云緊潔生趣實爲得賞至不重羊欣欣亦憚之書法有力恨少媚好

顏騰之賀道力並便尺牘

康昕學右軍草亦欲亂真與南州識道人作右軍書貨

孔琳之書放縱快利筆道流便二王後略無其比但工夫少自任故未得盡其妙故當劣于羊欣

謝靜謝敷並善寫經亦入能境居鍾索之美邁古流今是以征南還有所得案此下有闕文法書要錄誤以辱告並五紙一段及承王僧虔書有子邑之紙人句定辱告一段入竟陵王集承天源一段爲信虔與某書并附祚文紀亦如此染翰泉述書賦注云王

傳虞答竟陵王子良書序古善書人評議無不至當本行于世其真蹟今御史大夫黎翰得之則此論爲答竟陵王明矣法書要錄舊寫本又略見南齊書王僧虔傳南

史二十二又御覽七百四十八引爾條

鍾公之書謂之盡妙鍾有三體一曰銘石書最妙者也二曰章程書世傳祕書教小學者也三曰行押書行書是也三法皆世人所善

御覽七百四十八引爾條

張超字子竝河間人衛颯字伯儒河東人爲魏尚書僕射謚敬侯善草及古文略盡其妙草體如傷瘦而筆跡精殺亦行于代子瓘字伯玉晉司空太保爲楚王所害瓘采張芝草法取父書參之更爲草藁世傳其善子恒字巨山亦能書

索靖字幼安燉煌人散騎常侍張芝姊之孫也傳芝草而形異甚矜其書名其字勢曰銀鉤虿尾

韋誕字仲將京兆人善楷書漢魏宮觀題署多是誕手魏明帝起凌雲臺先釤楠未題籠盛誕輒輒長絰引上使就楠題楠去地將

二十五丈。誕危懼誠子孫絕此楷法。又著之家。令官至大鴻臚。爲飛白書題尚書省壁。

圓行方止。物之定質。脩一作之不已。則溢高之。不已。則慄。馳之不已。則躡。引之不已。則逸。一作是故去之宜疾

南史二十二

王慈

慈字伯寶。僧虔子。仕宋爲祕書郎。太子舍人。入齊爲安成王撫軍主簿。轉記室。遷祕書丞。司徒左西屬右長史。試守新安太守。黃門郎。太子中庶子。領射聲校尉。安成王冠軍。豫章王司空長史。司徒左長史。兼侍中。出爲輔國將軍。豫章內史。以父憂去。起爲建武將軍。吳郡太守。遷寧朔將軍。大司馬長史。重除侍中。領步兵校尉。轉冠軍將軍。司徒左長史。出爲東海太守。行徐州事。還爲廬陵王中軍長史。未拜。永明九年卒。贈太常。諡曰懿子。

朝堂諱榜表

夫帝后之德，綱繆天地，君人之亮，輝聯日月。至於名族不著，昭自  
方策，號謚聿宣，載伊篇籍。所以魏臣據中以建議，晉主依經以下  
詔，朝堂廟誌，諱字懸露，義非綿古，事殷中世，空失資敬之情，徒乖  
嚴配之道。若乃武功鼎臣，贊庸元吏，或以勳崇，或由姓表，故孔悝  
見銘，謂標叔舅子孟應圖，稱題霍氏，况以處一之重，列尊名以止  
仁，無二之貴。負沖文而止敬，昔東平卽世，孝章巡宮而灑泣，新野  
云終，和熹見似而流涕，感循舊類。尙或深心別視，微跡能無惻隱。  
今扁禁欵蓬，動延車蓋，若使鑾駕紓覽，四時臨闈，豈不重增聖慮。  
用感宸衷，愚謂空標簡第，無益於匪躬，直述朝堂，竈齋於夕惕，伏  
惟陛下保合萬國，齊聖羣生，當刪前基之弊軌，啟皇齊之孝則。  
書王慈傳慈以朝堂  
請揚非古舊制上表

賜進士出身一品銜廣東等處提刑按察使司按察使兼管驛傳事務高岡王毓藻校刊

全齊文卷八終

全齊文卷八

木

全齊文卷九

烏程嚴可均校輯

王儉

儉字仲寶，僧虔兄子。襲父僧綽爵豫章侯。尚陽羨公主，拜駙馬都尉，爲祕書郎、太子舍人、祕書丞、司徒右長史、義興太守，還爲黃門郎，轉吏部郎。高帝爲太尉，引爲右長史，轉左長史。齊臺建遷右僕射，領吏部。及受禪，改封南昌縣公。轉左僕射，加侍中，領太子詹事，尚書令。左鎮軍將軍。永明初，進號衛軍將軍，領國子祭酒、丹陽尹、太子少傅。本州中正，進閑府儀同三司，領中書監。卒贈太尉，謚曰文憲。有弔答儀十卷、吉書儀二卷、百家集譜十卷。元徽元年四部書目錄四卷，今書七志七十卷，集六十卷。和竟陵王子良高松賦。

山有喬松，峻極青葱。既抽榮於岱嶽，亦擢穎於荆峯。受靈命於后

土方虞舜以齊蹤貫四時而不改超五玉之嘉容上拂天而獨遠  
下流雲而自重重陰微微漏景含暉日既升而猶晦時方中而未  
晣通霄漢而隱影集鸞皇之翻飛偓佺食和而輔性墨翟昌言於  
宋園想周穆之長陂念東平之思歸若乃朔窮於紀歲亦暮止隆  
冰峩峩飛雪千里擊三秀而靡遺望九山其相佐翔雁哀迴於天  
津振鶯驚鳴於川涘嗟萬有之必衰獨貞華之無已積皓霰而爭  
光延微颺而響起

初學記二十八

靈丘竹賦應詔

靈丘深沈蔓竹凝陰神根合拱楨幹百尋振芳條乎昆岳敷綠采  
於高岑沿淮海而蔚映帶沮漳而蕭森志東南而擅美在淇澳而  
流音方靈壽而均茂儀菌桂而成林若乃青春受謝九野舒榮綠  
蘋齊葉白芷抽萌幹蒼蒼而特秀條擢嶺而垂英霜皦皦於原隰  
木衰疏於郊阡翠葉與飛雪爭采貞柯與曾冰競鮮

藝文類聚八十九

策齊公九錫文

大地變通，莫大乎炎涼。懸象晉明，莫崇乎日月。嚴冬播氣，貞松之操自高。光景時昏，若華之暎彌顯。是故英睿當亂而不移，忠賢臨危而盡節。自景和昏虐王，綱弛紊太宗。受命紹開中興，運屬屯難。四郊多壘，蕭將軍震威華戎。實資義烈，康國濟民。於是乎在朕以不造夙罹閔凶，嗣君失德。書契未紀，威侮五行。虔劉九縣，神狀靈繹。海水羣飛，彝器已塵。宗禋誰主，綏旒之殆未足爲譬。豈直小宛興刺，黍離作歌而已哉。天贊皇宋，實啟明宰。爰登寡昧，纂承大業。鴻緒再維，閟基重造。高勳至德，振古絕倫。昔保衡翼殷，博陸匡漢。方斯蔑如也。今將授公典禮，其敬聽朕命。乃者袁劉構禍，寶繁有徒。子房不臣，稱兵協亂。跨踏五湖，憑陵吳越。浮祲虧辰，沈氛晦景。桴鼓振於王畿，銚鏑交乎天邑。顧瞻宮掖，將成茂草。言念邦國，翦爲仇讐。當此之時，人無固志。公投袂殉難，超然奮發。執金板而先

馳登寅車而戒路。軍政端嚴，卒乘輯睦。麾鋒一臨，凶黨冰泮。此則  
勦業之基，勤王之始也。安都背叛，竊據徐方，敢率犬羊，陵虐淮泗。  
宋兒愚悖，同惡相濟。天祚無象，背順歸逆。北鄙黔黎奄墜塗炭，均  
人廢職。邊師告警，公受命宗祊，精貫朝日，擁節和門。氣踰霄漢，破  
釜之捷，斬馘蔽野。石梁之戰，禽其渠帥，保境全民。江陽卽序，此又  
公之功也。張淹迷昧，弗顧本朝，爰自南區，志圖東夏。潛軍閒入，竊  
謀不虞。于時江服未夷，皇塗荐阻。公忠誠慷慨，在險彌亮，深識九  
變，妙察五色，以寡制眾，所向風偃。朝廷無東顧之憂，閩越有來蘇  
之慶。此又公之功也。匈奴野心，侵掠疆場。前師失律，王旅崩撓。灑  
血成川，伏尸千里。醜羯偪張，勢振彭泗。乘勝長驅，窺覲京甸。冠帶  
之軌，將湮被髮之容。行及公奉辭伐罪，戒旦晨征。兵車始交，氛祲  
時蕩，弔死撫傷。弘宣皇澤，俾我惟肥。復沾盛化，此又公之功也。自  
茲厥後，猶犹孔熾，封豕長蛇，重窺上國。而世故相仍，師出日老。戰

士無臨陣之心。戎卒有懷歸之思。是以下邳精甲。望風振恐。角城  
高壘。指日淪陷。公眷言王事。發憤忘食。躬擐甲冑。視險若夷。短兵  
纔接。巨猾鳥散。分疆畫界。開創青充。此又公之功也。泰始之末。入  
參禁旅。任兼軍國。事同顧命。桂陽負眾。輕問九鼎。裂冠毀冕。拔本  
塞源。入兵萬乘之國。頓軒象魏之下。烈火焚於王城。飛矢集乎君  
屋。機變儻忽。終古莫二。羣后憂惶。元戎無主。公按劍凝神。則奇謀  
貢世。秉旄指麾。則懦夫成勇。曾不崇朝。新亭獻捷。信宿之間。宣陽  
底定。雲霧廓清。區宇康乂。此又公之功也。皇室多難。晉起威蕃。邢  
晉應韓。翻爲讐敵。建平失圖。興兵內侮。公又指授六師。義形乎色。  
役未踰旬。朱方寧晏。此又公之功也。蒼梧肆虐。諸夏糜沸。淫刑以  
逞。誰則無罪。火炎崑崙。玉石俱焚。黔首相悲。朝不謀夕。高祖之業  
已淪。大明之軌誰嗣。公遠稽殷漢之義。近遵魏晉之典。猥以眇身。  
入奉宗廟。七廟清謚。九區反政。此又公之功也。袁粲無質。劉秉懦

貳、韜述相扇，成此亂階。醜圖潛構，危機竊發。據有石頭，志犯塵路。  
公神謀內運，霜鋒外舉。妖殄載澄，國塗悅穆。此又公之功也。沈攸  
之、苞禍歲月滋彰，蜂目豺聲。阻兵安忍，哀彼荆漢。獨爲匪民，乃眷  
西顧。頹同異域，而經綸維始。九伐未申，長惡不悛。遂逞凶逆，驟合  
姦回。勢逼虓虎，朝野憂疑。三軍沮氣，公秉鉞出闕。凝威江甸，正情  
與敵。日同亮明，略與秋雲競爽。至義所感，人百其心。鼙鼓一麾，夏  
首窟謐。雲梯未舉，魯山尅定。積年逋誅，一朝顯戮。沮浦安流，章臺  
順軌。此又公之功也。公有濟天下之勳，重之以明哲。道庇生民，志  
匡宇宙。戮力肆心，劬勞王室。自東徂西，靡有留晏。險阻艱難，備嘗  
之矣。若乃締構宗稷之勤，造物資始之澤，雲布霧散，光被六幽。彌  
予一人，永清四海。是以秬草騰芳於郊圃，景星垂暉於清漢。遐方  
款闕而慕義，荒服重譯而來庭。汪哉邈乎，無得而名焉。朕聞酬庸  
表德，前王盛典。崇樹侯伯，有國攸同。所以文命成功，玄珪顯錫。姬

日秉哲曲阜啟蕃或改玉以弘風或胙土以宣化禮絕常班寵冠  
羣辟爰述桓文車服異數惟公勳業超於先烈而褒賞闕於舊章  
古今之道何其爽歟靜言欽歎良有缺然今進授相國以青州之  
齊郡徐州之梁郡南徐州之蘭陵魯郡琅邪東海晉陵義興揚州  
之吳郡會稽凡十郡封公爲齊公錫茲玄土宜以白茅定爾邦家  
用建冢社斯實尚父故藩世作盟主紀綱庶甸率由舊則往者周  
召建國師保兼任毛畢執珪入作卿士内外之寵同規在昔今命  
使持節兼太尉侍中中書監司空衛將軍零都縣開國侯淵授公  
相國印綬齊公璽紱持節兼司空守尚書令僧虔授齊公茅土金  
虎符第一至第五左竹使符第一至第十左相國位總百辟秩踰  
三事職以禮移號隨事革其以相國總百揆去錄尚書之稱送所  
假節侍中貂蟬中外都督太傅太尉印綬竟陵公印策其驃騎大  
將軍揚州牧南徐州刺史如故又加公九錫其敬聽後命以公執

禮弘律儀形區宇遐邇一體人無異業是用錫公大輅戎輅各一  
玄牡二駟公崇修南畝所寶惟穀王府充實百姓繁衍是用錫公  
袞冕之服赤馬副焉公居身以謙導物以義鎔鈞庶品固不和悅  
是用錫公軒縣之樂六佾之儻公翼贊王猷聲教遠洽蠻夷竭歡  
回首內附是用錫公朱戶以居公明鑒人倫澄辨涇渭官方與能  
英乂克舉是用錫公納陛以登公保佑皇朝厲身化下杜漸防萌  
含生賓式是用錫公虎賁之士三百人公禦宄以刑禦姦以德若  
親無將將而必誅是用錫公鉄鍼各一公鳳舉四維龍騫八表威  
靈所振異域同文南史作異類同文是用錫公彤弓一彤矢百旅弓十旅  
矢千公明發載懷肅恭禋祀孝敬之重義感靈祇是用錫公秬鬯  
一卣珪瓚副焉齊國置丞相以下一遵舊式往欽哉其祇服朕命  
經緯乾坤宏亮洪業茂昭爾大德闡揚我高祖之休命南齊書高  
帝紀上案  
王儉傳云詔策皆出於儉裕  
淵唯爲解詔文又見南史四

策命齊王

伊太古初陳萬物紛綸開耀靈以鑑品物立元后以馭蒸人若夫容成大庭之世宓羲五龍之辰靡得而詳焉自軒黃以降墳素所紀略可言者莫崇乎堯舜披金繩而握天鏡開玉匣而總地維德之休明宸居靈極期運有終歸禪與能所以大唐遜位謙然興歌有虞措讓卿雲發采亮符命之攸臻坦至公以成務懷生教澤震祇効祉遺風餘烈光被無垠漢魏因循弗敢失墜爰逮晉氏亦遵前儀惟我祖宗英徽勳格幽顯從天人而齊七政凝至德而撫四維末葉不造仍世多故日蝕星隕山淪川竭惟王聖哲淵明榮鏡宇宙體望日之威資就雲之澤臨下以簡御眾以寬仁育羣生義征不譖國塗荐阻弘五慮而乂鹽皇緒將湮秉六術以匡濟及至權臣內侮蕃屏陵上兵革雲翔萬邦震駭裁之以武風綏之以文化遐邇清夷表裏肅穆戢琿戈而事黼黻委旌門而恭儒館聲化

遠洎荒服無塵殊類同規華戎一揆是以五光來儀於軒庭九穗  
含芳於郊牧象緯昭澈布新之符已顯圖識虧炳受終之義既彰  
靈祇乃眷兆民引領朕聞至道深微惟人是弘天命無常惟德是  
與所以仰鑒玄情俯察羣望敬禪神器授帝位于爾躬四海困窮  
天祿永終於戲王其允執厥中儀刑前式以副率土之欣望命司  
農而謁蒼昊奏雲門而升圓丘時膺大禮永保洪業豈不盛歟齊書高帝紀上

再命璽書

又見南史四書高帝紀上

皇帝敬問相國齊王大道之行與三代之英朕雖闇昧而有志焉  
夫昏明相翼晉景之恆度春秋遞運時歲之常序求諸天數猶且  
隆替矧伊在人能無終謝是故勸華弘風於上業漢魏垂式於後  
昆昔我高祖欽明文思振民育德皇靈眷命奄有四海晚世多難  
姦宄實繁鼙鼓宵聞元戎旦警億兆夷人敗處靡厝加以嗣君荒

怠敷虐萬方神鼎將遷寶策無主實賴英聖匡濟艱危惟王體天  
則地含弘光大明並日月惠均雲雨國步斯梗則稜威外發王猷  
不造則淵謨內昭重構閩吳再寧淮濟靜九江之洪波卷海沂之  
氛沴放斥凶昧存我宗祀舊物惟新三光改照逮至寵臣裂冠則  
裁以廟略荆漢反噬則震以雷霆麾旆所臨風行草靡神算所指  
龍舉雲屬諸夏廓清戎翟思謹興文偃武闢揚洪烈明保冲昧朝  
翔禮樂之場撫柔黔首咸躋仁壽之域自霜露所墜星辰所經正  
朔不通人跡罕至者莫不踰山越海北面稱蕃款闕重譯修其職  
貢是以禎祥發采左史載其奇玄象垂文保章審其度鳳書表肆  
類之運龍圖顯班瑞之期重以珠衡日角神姿特挺君人之義在  
事必彰書不云乎皇天無親惟德是輔民心無常惟惠之懷神祇  
傾佞性明哲昔金德既渝而傳祚於我有宋厥數告終實在茲日亦

以水德而傳於齊式遵前典廣詢羣議王公卿士咸曰惟宜今遣使持節兼太保侍中中書監司空衛將軍雩都縣侯淵兼太尉守尚書令僧虔奉皇帝璽綬受終之禮一依唐虞故事王其允副幽明時登元后寵綏八表以酬昊天之休命

南齊書高帝紀上

拜儀同三司章

臣聞日中則昃盈虛之定分器滿必傾往復之恆理遂乃班同袞草燮和台曜外參諭道內總百司物議惟塵自識非據

藝文類聚四十七御

覽二百四十三

讓左僕射表

待臣於常均之外忝臣於代僚之右親乖其章乘非其器霸府方  
隆超居元佐國朝草昧參贊百揆

藝文類聚四十八

諫起宣陽門表

臣聞德者身之基儉者德之輿春臺將立晉卿秉議北宮肇構漢

臣盡規彼二君者，或列國常侯，或守文中主，尙使諫諍在義，卽悅  
況陛下聖哲應期，臣等職司隆重，敢籍前誥，竊乃有心。陛下登庸  
宰物，節省之教既昭，龍袞璇極，簡約之訓彌遠。乾華外構，不様不  
斲，紫極故林爲宣陽門。臣等未嘗也。夫移心疾於股肱，非良醫之  
美，畏影迹而馳騖，豈靜處之方。且又三農在日，千疇咸事。輶望歲  
之勤，興土木之役，非所以宣昭大猷，光示遐邇。若以門居宮南，重  
陽所屬，年月稍久，漸就淪胥，自可隨宜修理而合度，改作之煩於  
是乎。息所啟謬合，請付外施行。南齊書王儉傳建元元年廢宋明帝紫極殿以材社起宣陽門儉與  
補遺及叔父僧虔連名上表諫

請解領選表

臣遠尋終古，近察身事，邀恩幸藉，未見其倫。何者？子房之遇漢后，  
公達之逢魏君，史籍以爲美談。君子稱其高義，二臣才堪王佐。理  
非曲私，兩主專任威武，有傷寬裕。豈與庸流之人，憑含弘之澤者。

同年而語哉。預在有心，胡寧無感。如使傾宗殞元，有益塵露，猶當畢志驅馳。仰訥萬一，豈容稍在形飾。以徇常事，九流任要，風猷所先，玉石朱素，由斯而定。臣亦不謂文案之間，都無微解。至於品裁臧否，特所未聞。雖存自畧，識不副意。兼竊而任，彼此俱壅。專情本官，庶幾髡鬚。且前代掌選，未必具在。代來何爲於今？非臣不可傾心奉國，匪復退讓之與。預同休戚，竊俟位任爲親。陛下若不以此理，賜期豈仰望於殊眷，頻冒嚴威，分甘尤戾。

南齊書  
王儉傳

又求解選表

臣比年辭選，具簡天朝，款言彰於侍接，丹誠布於朝野。物議不以爲非，聖心未垂矜納。臣聞知慧不如明時，求之微躬，實允斯義。妄庸之人，沈浮無取。命偶休泰，遂踐康衢。秋葉辭條，不假風颺之力；太陽躋景，無俟螢熠之輝。晦往明來，五德遞運。聖不獨治，八元亮采。臣逢其時，而叨其位。常總端右，亟管銓衡。事涉兩朝，歲綿一紀。

盛年已老、孫孺中冠人物徂遷、逝者將半、三考無間、九流寂寞、能  
官之誄、輒譽於當時、大車之刺方興以來、且若夫珥貂衣袞之貴、  
四輔六教之華、誠知匪服職務差簡、端揆雖重、猶可勉勵、至於品  
藻之任、尤懼其阻、夙宵磬竭、屢試無庸、歲月之久、近世罕比、唯  
悔吝在身、故乃惟塵及國、方今多士盈朝、羣才競爽、選眾而授、古  
亦何人、冒陳微翰、必希天照、至敬無文、不敢煩贅。南齊書  
王儉傳

奏勸受禪

被宋詔遜位臣等參議宜尅日與駕受禪撰立儀注

南齊書高  
帝紀上

賜進士出身二品銜廣東等處提刑按察使司按察使兼管驛傳事務黃岡王鏡漢校刊

全齊文卷九終